


AN DISTRO

15

125

Kinniget da Evnig Arvor.



Mi-gnon, nag eo dous an dis-



tro! O nag eo dour 'Vit ar



Breizad diz-rei d'e vre, D'e di di-



drouz! Bet eo a bell war ar mor



don E-touez es-tren. Meur wech



'neuz son - - - jet 'n e ga-



lon n'e gwelje ken.

Mignon 'nag eo dous an distro !
O 'nag eo dous
'Vit ar Breizad dizrei d'e vro,
D'e di didrouz !

Bet eo a-bell war ar mor don,
E-touez estren,
Meur wech 'neuz sonjet 'n e galon
N'o gwelje ken !

Breman setu fin d'an anken,
D'ar sonjou fall ;
Ar joa a lak bannou laouen
En dro d'e dal.

Nag eo kaer an oabl da welet !
Flour ar méziou !
Nag eo drant kân al lapoused
'Touez an deliou !

Pep tra a c'hoarz outan fete :
Ar vleuennig,
An heol skedus eus lein an Né
Hag ar wazig.

Eur c'hloc'hig a glev o tintan
'Barz ar pellder,
Hag e vouez flour a lar d'ezan :
« Deus prim d'ar gêr ! »

O dez a levezet dispar !
Dez binniget !
Gwelet 'ra ar c'hornig douar
'Lec'h m'eo ganet.

Gwelet 'ra breman dor e di...
Deus e lochen
En eur lammat e teu e gi
D'e ziARBENN.

— « C'hanta Loullig ! kollet 'oun bet
'Pad pell amzer !
'Mechans e tisplij d'id bepred
Mesa ar gêr ?

« 'Vit an deiou 'c'h efomp hon-daou,
'Vel warlene,
Da redek a-dreuz d'ar c'hoajaou,
E-pad an de. »

An hoil a deu war douil an nor
Ouz e glevet ;
Hag an divrec'h a zo digor,
Daerou a red...

Daerou lirzin, daerou a joa...
Anken 'n e vouez,
Hen a lavar : « Med piou, eta,
A vank 'n hon touez ?... »

Allaz ! pep dudi, a welan,
A vez mesket :
'N hini 'oa buez an ti-man
A zo kollet ! »

LAOUK.

SON AN ARTILHERIEN

War don ar zon goz : *Ar fleuren 'zo koant, He deliou ravisant, hag ar zon nevez : N'eo ket brao, Jakou, Ober re zorfajou.*

Buhan ha sec'h ha krenn

Eun ar - til - her zo bar - rek
gant eur ban - ne sou - ben
gant eur ban - ne sou - ben
eun tam bu - tun en e veg
hag eun tam ka - naou - en

DISKAN

Ka - nomp a - bouez - penn
Sôn an ar - til - he - rien (bis)

Eun artilher 'zo barrek
Gant eur banne souben (*diou wech*),
Eun tamm butun en e veg,
Hag eun tamm kanaouen.

DISKAN

Kanomp a bouez penn
Son an artilherien. (*diou wech*).

Kanomp, eta, mignoned,
Hag a leiz ar gorzen
Da gas betek ar stered
Son an artilherien.

Tud ar gwad hag ar maro,
Ar Voched digalon
'Zo dirollet war hor bro
'Vel eur vanden laeron.

Evel bleizi kounnaret
O tont eus ar c'hoajou,
E tistrujont ar merc'hed
Hag ar vugaligou.

Evel paganed distur,
'Ve dleet o staga,
E tevont gant plijadur
An ilizou kaera.

War zao, pôtrez Breiz-Izel,
Ha gant hor c'hanoliou
Kerzomp da rei eur gentel
Da zoudarded Gwilhou.

Strinkomp ganto war o fri
Tan ha dir a verniou,
A vo mad d'o dijuni
Da zoudarded Gwilhou.

Strinkomp ganto war o c'hein
Tan ha dir a vernicu,
A vo mad d'ober o lein
Da zoudarded Gwilhou.

Strinkomp ganto war o r...
Tan ha dir a verniou,
Ma teuy gwreg an Impalaer
Da wriat o fensou.

Strinkomp ganto 'vit netra
Tan ha dir a verniou ;
Kouls int ha bara KK
Da zoudarded Gwilhou.

Bec'h warno, ar Voched kriz !
Freuzomp o zrancheou,
D'ober hent d'hor c'henvroiz,
Ha d'o « fourchetzeou ».

Goude 'z aimp d'an daoulamm ruz
Gant tout hor c'hanoliou
D'ober eur bale d'ar « Prus »
Da di tonton Gwilhou.

Hag, a-raok distrei d'ar gêr
Da welet hon tudou,
E krougimp an Impalaer
A-bouez e gilhorou.

P. TR.